


祠
堂
图




杖梓岭宗祠志略

岭名杖梓岭地接平湘择居斯土肇自一阳喜风淳而俗美卜源远以
流长翦棘披荆始奠后人安宅分枝别派均怀世德流芳修其祖庙永享
馨香樸耕秀读言表行坊凡我一阳之后裔宜守颍川之典章敬书数语以
誌不忘

裔孙昌成谨识

民国二十年辛未岁仲冬月中旬重刊

营田钟氏祠堂图



營田祠堂誌畧

溪山环秀地曰營田烟火叢连族多钟氏自玉懸公卜遷斯处至文字派长发其祥閱十餘世以来至数千丁之众爰择吉地營建宗祠康熙己丑楚三輩任創建之劳道光戊戌吉菴等殫重修之力规制悉本文公仪範咸遵典礼备诸祭器更置义田秀者勤力诗书出积粟以供膏火顽者有乖礼法执觥挹以警讒邪每岁九月初三合族恭敬维一既奉灌獻尤讲约言令凡清溪之子孙恪守穎川之遺訓立法誠为善矣美意何可忘焉敬书片言以誌盛举此篇誌畧係雍正辛亥平江復斋手书今因道光戊戌重建畧易之

民国二十年辛未岁仲冬月中旬重刊

營田宗祠記

古者自諸侯以降卿大夫以及于士皆得立廟以供享祀上下隆殺牲牢簋豆爲之節文而定其度数非惟使子若孫不忘其所自出而尊祖則敬宗敬宗則收族所以維人心扶世道者至詳且密也后世經殘教弛漫焉弗講曾未四五傳已藐若秦越况世遠年湮而莫之考乎則家廟之立豈細故歟吾十四世祖玉懸公于明初由杖梓嶺徙居營田遂占籍焉自此子孫甚衆支派綦蕃后有楚三濬遠二公追維祖德難置諸懷故于康熙年間鳩工庀材建立祠宇其一脈神主有立于中龕者有立于東龕西龕者昭穆相當次序不紊俾后之瞻仰者知其孰爲祖孰爲宗孰爲自出之祖孰爲繼別之宗尊尊亲亲孝弟之心油然而生矣孝弟之心生則奮志詩書恢宏前烈祖宗之光有厚望焉祠之建顧不重歟今修家乘因绘图而爲之記云